

**POLICE SERVICE COMMISSION
REPUBLIC OF VANUATU**

PORT VILA
VANUATU

INDEPENDENCE PARK
TEL.: 7765936 / VOIP 3332



**COMMISSION SERVICE DE POLICE
REPUBLIQUE DE VANUATU**

PORT VILA
VANUATU

PLACE DE L'INDEPENDENCE
TEL: 7765936 / VOIP 3332

NOTIS BLONG ADVETAESMEN

Vanuatu Polis Sevis Komisen i wantem rikrutum wan man o woman we i gat eksperiens mo kwalifikesen blong tekemap sinia posisen ia insaed long Vanuatu Polis Fos (VPF).

Deskripsen blong Posisen

Taetol blong posisen	Komisina blong Polis
Ofis	Ofis blong Komisina blong Polis
Ministri	Intenol Afea
Level blong wok	L8
Greid	DG 1.1
Anuol Salari	VUV6,933,000
Ples	Polis Hedkwata, Vansec Haos, Port Vila

Tingting bihaen long posisen ia

Polis Komisina hemi responsibol blong provaedem stratejik lidasip, supavisen mo kodinesen blong VPF blong mekem sua se oli implementem gud olgeta stratejik plan mo nasonal polisi blong hem. Wok blong hem hemi blong developem mo implementem olgeta loa mo oda strateji mo sev olsem Prinsipol Sekuriti Advaesa long Gavman, inkludum Praem Minista, Ministab long Intenol Afea, mo Nasonal Sekuriti Kaonsel.

Kraeteria we oli wantem

Kwalifikesen – Masta Digri

- Espeseli long olgeta eria blong Pablik Administresenn, Manejmen, Polising, Militeri o Loa.

Wok Eksperiens - Hem i mas sev long wan sinia posisen insaed long Polis Fos long Vanuatu o long eni narafala kaontri wetem olgeta semak wok eksperiens blong wan period blong 7 yia o moa.

Rol blong Supavaesa – Mas save komandem mo kontrolem lidasip, stratejik planing mo polisi developmen, wok tugeta wetem olgeta ejensi, manejem risos, tekem pat wetem komuniti, monitarem pefomens mo mekem evaluesen, manejem kraesis mo profesonal developmen.

Olgeta Spesel Skil - Strong lidasip skil, diplomatik skil, negosiesen skil, manejmen mo supavisen skil, planing skil, save analaesem samting, developem polisi, save yusum kompiuta, save intapret mo mekem risej.

Fasin blong tingting – Hemi save akseptem ol tingting mo save tingting gud, karemaot ol wok, tingting mo analaesem samting, save analaesem gud samting mo hemi mas save tingting gud abaot olgeta isu, hemi gat abiliti blong mekem olgeta stret desisen folem hao hemi tingting.

Komunikesen Skil / Intepesonal skil – Hae level skil blong presentesen we i inkludum komunikesen long saed toktok mo raet.

Fasin blong wok – Hemi wok profesonal, rispektem taem, gat visen, save adaptem hem long jenis long wok envaeromen, tritim gud olgeta narawan wetem rispek (olgeta klaen & olgeta kolig), gudfala fasin, gat trast, komitmen, save disiplinim hem wan, akaontebol, kipim infomese i sikret mo hem i no bin jaj wetem eni disiplinari ofens insaed long period blong twelf (12) manis we i pas.

Olgeta Wok Etiks – Hem i komitim hem, man i save trastem hem mo soem dedikesen long wok blong hem, dil wetem olgeta keis kwiktaem mo long wan stret wei, soem gud fasin blong wok mo disiplin, mo man i save dipen long hem plante.

Lanwis – Inglis, Bislama mo Franis.

Spesel Konsideresen – Man mo woman i save aplae.

Evri man o woman we i aplae, oli mas yusum fom blong Vanuatu Polis Fos Job Aplikesen, inkludum wan kurikulum vitae (CV) mo adrese i go long:


Jeaman Vanuatu Polis Sevis Komisen Ministri blong Intenol Afea Independens Pak Port Vila
--

O, saenem olgeta kopi blong evri dokumen, skanem olgeta mo sendem i go long jmtaleo@vanuatu.gov.vu.

Bambae mifala i no save akseptem olgeta aplikesen we oli no yusum fom blong Vanuatu Polis Fos Job Aplikesen mo oli no komplitim evri narafala rikwaemen we oli tokbaot antap ia.

Aplikesen i klos long namba **17 Maj 2025**.

Yu save kolem Vanuatu Polis Sevis Komisen long 7728669 o imel long jmtaleo@vanuatu.gov.vu blong karem moa infomesen long saed blong infomesen pakej.



John TALEO
JEAMAN / CEO
Vanuatu Polis Sevis Komisen

